

四庫全書

集部

欽定四庫全書

集部

御製詩二集卷三十五

六

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣袁瑩

欽定四庫全書

御製詩二集卷三十五

古今體一百二十首

壬申五

六月四日侍

皇太后觀荷成詩一律敬書篋頭以獻

軒憑香錦漾空明
四啓氷疏暑氣清
永識承歡復承訓
所欣時雨更時晴
延年那藉金仙露
愛日偏宜赤帝庚
試看瑤池琪樹下
按歌采者量雙成

池上居

消夏偏宜池上居，銀塘碧浸入窓虛。
竹涼響遞迎風際，荷淨香聞過雨餘。
逐伴飄來新紺蝶，成羣分出小秧魚。
天機觸目通幽顯，默識無如讀我書。

詠玻璃窓

樹搖風不到，晝靜暑如逃。
視遠渾無礙，觀空徒爾勞。

詠史

戰國多說客，秦漢風尚存。
茅焦感始皇，鄒陽悟長君。
知

心以說當秘訣韓吃論觸讐悅燕媪或嘉納牖言苟其
盡忠款詎在口給便帝堯斥詈訟視子共驩倫

壽原任大學士龍翰傳先生八十初度

光霽由來衆式觀絳帷黃閣領儒冠身名應擬濟南伏
年德原同沛下桓松鶴作朋還侑酒孫曾繞膝合加餐
還丹益算何須藉兩字傳經永不刊

雜詩

過日間陰霽潯暑頗慙情朝來西北風長天豁快晴櫺

摻竹栢間晷影上砌平消息無停機寒暑有代更萬理
注義又詎待韋編橫

蜻蜓立釣絲不識羨魚意鳴鶴在松陰各有樂山志萬
物具理趣於我原皆脩致遠或扞格且盡目前事

蟬聲喜高樹螢光隨腐草一般皆動物適適惟自曉曰
水胡流濕曰火胡就燥日用或不知何況人情渺

三王無同道解張琴乃鼓五帝有同心無逸以為所同
者今豈異不同古可睹循名或失實致敗難縷舉寄語

持政人母易由言古

同諸王及大學士翰苑諸臣觀蓮六韻

明廷咨政暇上苑對時良
載賞雲霞并言携駕騁行舍
飈承筍席微露墜銀塘縟錦方
迎日揚擅正納涼鏡中粧
綽約畫裏襲芬芳共喜蒙多祐
相期戒匪康

董邦達松澗雲嵐

動者雲容靜者松妙兼動靜者
層峰設如屨步奇深處應有
仝喬驀地逢

鄒一桂秋塘釣艇

煙蓬泛渚弄竿綸
蓑笠飄然意可親
比似仲舒三桀裏
我猶未免羨魚人

徐揚澗筑松濤

落落長松水閣虛
橫琴高士靜憑餘
不知弄者伊何操
鄒忌名言獨起予

汎湖翫月二首

弦月擘雲匡依依
盈手光暫教拋秘
卷便與汎輕航秉

燭漫遊夜開篷喜納涼無為縈夙昔乘景且徜徉
素彩醒吟眸滄池載拍浮光如凝露晶魄不挈波流螢
點亂燃夜蟬聲暗報秋未能學謝客歸後復登樓

海東青行

鷲鳥種不一海青稱俊絕摩空健翮上層霄千里下擊
纔一瞥當其脫羈始縱時風力未曾遲飛掣羣燕緣撲
或墜落何異淮陰胯下氣且折鷹鷂之雛可罹置海青
之雛得未逢聞之育卯大海東追逐天鷲入雲中迴顧

忽失故國踪海東青爾不遠為利爾不高騰空安得受
制於人垂頭仰飼居樊籠王孫莫恨未央宮

題張宗蒼畫

雲巘縱橫幻復真樹頭樓挹遠山皺浮來濕翠迎眉宇
始識傳神梅道人

麥收

麥收登困鹿市價賤食新黍禾亦遍秀油油高下勻此
際時雨暘西成萬寶臻十畝而一豐孰不希鴻恩邇日

雲屢作踊愁行潦頻少雨便開霽慰志旋生欣乃知經
事多翻成畏事人

去歲河溢豫魚子遺洄田直沽沮洳鄉多蝻自年年近
聞孽類孽督捕命亟頒盡力除患始毋致日蔓延或云
不為害吾詎信諛言或云歲常有吾豈諉應然因捕致
傷禾吾已命賜蠲或云吏下鄉民費難黍錢蝗過幸不
食捕蝗有甚焉吁嗟苟姑息嘉禾忍棄捐善政扞格多
抑亦難兩全

螢六韻

近濕不礙朗匪燃却常明腐草含變化陰火發晶熒安
知燭也微何殊炬之行翾動翼足兼光暗外內爭恨添
閨中婦勤益帷下生火流夫豈遙以爾為先聲

河亭對雨

陣雨斜飛抹屋簷好教淨洗迫人炎池亭坐愛空濛意
不礙生衣一領添

高樹斜陽霽景清須臾蟬曳晚風聲荷珠紛落猶無定

映水平分蟬竦橫

颯蕤溪山入畫圖
魚鱗欲盡碧空鋪
今宵魄影應清絕
便命蘭橈一泛湖

昆明湖上

夏日宜泛舟泛舟湖欲寬
夜晴晨露灑水遠暑風寒
漾漾入空明四面山光攢
騁目見千里秋意示倪端
載舟懷靡及垂景興未闌
菰蒲彼何知對時都覺歡

玉泉山即景

第一泉邊舊建園書堂灑落遠塵喧便教小住慢言去
每喜尋流遂得源山鳥窺人白晝靜庭松閱歲綠陰繁
天機道莞何曾閱箇趣伊誰善體存

翠雲堂雙枯行

齊為弟兮夷為兄樹中之聖聖之清盤盤虬榦一庭翠
六月秋風滿座生故宮却見層椒上遺蹟金元空悵望
爾時歌舞對春韶不誇雙枯誇花放離宮沿革率非舊
叶閱歲佳陰蓋數畝難兄難弟標雙清同林雜植無其

耦屈之久者信之長後老生意方堂堂不見堤柳及陌
楊十年成蔭百年僵

命張宗蒼倣吳鎮筆意圖成詩以題之

神韻無少欠溪壑不大似善師古者然可以悟几理

華黍

六月
十日

華黍應秋令雨暘時致早湛湛凝露滋離離含旭皎路
客欲遮騎農夫已驅烏課田幾多年額慶逢佳兆前訓
凜歌器遙心期萬寶

平安月鏡居疊舊作韻

室舫編湘竹天然君子居三庚又依爾一鏡乍輝如籟
燕生斑翠波光浸碧虛涉江懷古詠餅子好裝渠

雜英

雜英莫較名專榮繞間砌女夷小試手技癢那能悶風
前態欲仙露下情如醉嫵嫵綠珠粧灑灑道韞思蜂蝶
去亦可蟋蟀來不避奚以憶春翹於焉驗秋意

季夏篇

三庚火伏胎商金蓐收宛轉素節臨大河雨過星斗沉
一夜露白芙蓉心晚來颯爽生衣襟萬里片雲無處尋
宜暘禾黍綠塍錯村行即漸聞銅雀攜毫擬待歌農樂

鳳凰墩

渚墩學黃埠

在錫山之陽四面
臨水此墩適相肖

上有鳳凰樓一鏡中懸

畫四時長似秋山容空外秀波態席前浮何事三山遠
還期侂羨遊

題董邦達山水十二幅

泉音松吹

淙淙謖謖動中間松吹泉音應答間一與耳謀飛逸興
依稀昨歲坐寒山

烟壑曉色

背山面水草堂便侵曉高人尚穩眠宿雨初收曉烟泮
瀟湘妙境米家傳

峭壁迴瀾

江橫壁立似區分絡以林端映帶雲恰是斯人能寫意

相遭風水自成文

林塘晚泊

斜陽返景下漁梁
野艇歸來罷響榔
晒網收綸無箇事
一天雲水好風涼

夏山欲雨

靄靄連山山靄昏
冷風一谷樹頭喧
此時點筆翻嫌拙
佳句何當讓許渾

芙蓉滴翠

刺削英英陸地亭萼不萬態摠曾青餘杭香錦無煩數
佛鉢中間悅性靈

石磴凌空

演迤平林帶葉枝危峰拔地忽嶽寄巉巖疑有髯仙步
想見山鳴谷應時

松谿幽軸

樹落茅適足蔽形好山層疊翠為屏碩人樂此非逋客
岫戶雲關漫自扃

江浦歸帆

三峽無風浪起堆浮家已慣不驚猜收帆指點斜陽道
穿過瞿唐灩澦湏來

亭臯秋霽

雲收氣霽恰秋初徙倚孤亭眄碧虛最是胸中消芥蕪
長空無盡意還如

雲泉澗閣

溪頭架閣倚層椒水態山光入綺寮只可相携漆園吏

此間但勝注道遙

千林欲雪

寒天黯淡凍林愁結撰真非畫者流何必粉皴方是雪

別開生面突營邱

賦得風動萬年枝

五言六韻
得名字

琪樹因風動揚猗禁籞清萬年徵壽永三秀應祥生散
影花飄靜延暉珠綴明母從觀作止便以較陰晴愛睹
鸞鵞態徐聞鳳嘯聲奚稱漢武帝林苑獨標名

聞蛩

六月十六日

晚涼豪興生刺舟載明月心託碧琅天身在水精闕何
來在砌蛩振羽數聲發協候方朱明審音報商越通靈
信物類不與惟時節來者復無住知然却怡悅

率言

極大巨靈掌開山極小巨靈身七寸極大鯢魚幾千里
極小鯢魚蟻子分一物變幻尚如此千秋是非誰定論

青龍橋西

擬向名山盛暑消石橋西畔又鳴梢便教馬上逢新喜
一路香風暢穎苗

欲鳴銅雀熟催田高下如雲秀實全所冀雨暘時一月
今年可卜勝常年

夏日香山靜宜園即事四首

別業非遙便往還蘭椒迤邐闢雲關看山延得半齋爽
迨暑權因一日閒鶴領雛來調弱羽鹿希革後長新斑
書帷何必韋編展大地羲文注此間

綠樹成帷白玉臺每從疏隙見崔嵬蕙蘭草是三湘佩
茉莉花原六月梅幽籟靜中觀水動塵心息後覺涼來
梨園小部翻嫌閑此處惟應泉石陪

碧宇雲徂喜快晴方方綠野待西成璘瑤山蝶隨風去
馱馥阿蕪過雨生松牖憑虛千里直芸帷褰月一鉤橫
愛看班史消長夏三策江都語最精

黛嶠親切挹山光納爽從容步夕陽野果墜煙紅琥珀
新篁敲露綠琳瑯閒雲歸岫連峰暗飛瀑垂空漱石涼

自我皇皇法堯舜輸他坦坦傲羲皇

曉遊香界寺即事雜詠

香界山莊一嶺分清遊
減從羽林羣趣涼侵曉盤
層磴恰見紅丸上海雲

迴巖宛轉試躋攀不辨東西
片刻間却為張公五里霧
忽藏白傳一區山

崔峯直俯萬峰巔一谷村墟
隱白繚幻景今朝真盡態
天衣風動又高褰

寶珠洞高高且深精廬不受纖暑侵數我竭來凡幾度
分明壁上勒前吟

露草烟蘿清馥交到來一晌坐雲巢誰云佛法忘嗔喜
開牖歡心滿四郊

勝地幾間可憩遲登高望遠亦相宜卧波指點廬湊近
伏汎隄防屢此時

華黍風香遠近迎最欣碧宇似秋晴花宮回首忽如失
只有鐘聲林外清

鳴鞭出谷日三竿
澗水無聲隱石灘
為有餘閒兼愛爽
陳操健銳試臨看

靜室

為因避暑登高處
中使肩輿汗已淋
雖是崇椒延爽別
有慙以已度人心

天風拂袖颯然涼
中有清芬百和香
擬待夕陽方下返
偶然試閱小年長

擬古詩

有序

三百篇而下言詩者以古詩為宗舊為十九文選
分為二十後來擬作若陸士衡劉休元諸人分合
不同半全各適然率求之詞致聲調意在肖似耳
夫擬古詩如臨古帖不必似不必不似有意求似
未有能似者也書不云乎詩言志此詩之源也汴
源而達之放乎四海化工之造物豈枝枝葉葉而
為之者哉善夫蘇軾之言曰作詩必此詩定知非
詩人此予擬古之志也

擬行行重行行

人生無貴賤誰能免別離貴者厭契濶眷屬或挈隨賤者乏勢力願戀徒噫嘻矢志篤前盟執手訂後期身走縱殊地要在尚可為其不可為時解攜真解攜

擬青青河畔草

王孫不知期河畔草盈掬少婦曷有括園中柳條綠霧帔已恤削風帶仍結束君子今何之豈不念幽獨莫以顏似花而忘德如玉

擬青青陵上柏

松柏生高陵鸞鶴所翥翔芙蓉出綠沼鴛鴦相徜徉自古有會宗三都及兩京春色滿皇州遊子忘故鄉高樓酒挹澗康衢塵霏香朝飲挾娥嬋暮遊陪金張暮暮復朝朝行樂何渠央

擬今日良宴會

今日復何日美難良具并吳僮垂手態越女過雲聲愉者意氣揚悲者慷慨增聽音非宮商所貴能移情況引

逸爵飛翠釜行侯鯖好樂莫孤時蟋蟀尚未鳴麻姑倩
搔背奚慮王方平

擬西北有高樓

高樓一何迴西北來天風綺疏張四面雲霓飛三重其
上何所置笙歌羅綺叢中有窈窕人含悲獨無悰母乃
賣餅妻離弦感曲衷一彈懷巷苑三嘆置絲桐仰望層
雲間愧彼雙飛鴻

擬涉江采芙蓉

言入淥波曲采彼芙蓉花綠柄在我手白絲裊且斜感
此懷所思道路阻且賒可思不可見異覲空齋嗟

擬明月皎夜光

惟月生於西金行故益皎始出東山上漸歷銀漢表映
水光帶寒麗午輪收小最能引悲思乃至閒蟲草芳蘭
逝將萎蟪蛄啼未了時節不我與胡不篤情好翻雲覆
雨流詎識斷金道

擬冉冉孤生竹

雙竹相扶持孤竹乃冉冉獨立憶其侶颯沓秋風慘結
襦向猶念乘垣初豈敢而胡相棄捐焉能置情感情感
亦何為不可追者時憂傷易成老加飯留容姿容姿苟
未衰會有相見期

擬庭中有奇樹

中唐有蒼藟因風送芬遠所遲遙未歸持此共誰遣折
榮擬寄將芳歇英亦損山川每多阻時節忽易晚

擬迢迢牽牛星

人間有別離天上豈獨無億萬百千歲漢女懷星夫渡
河非不能天度不可踰跂彼七夕臨永思終莫攄促曉
恨天雞失林擬夜烏

擬迴車駕言邁

僕夫戒行李駕言升輕輿所志在四方豈必眷妻孥朝
待金馬門莫登承明廬季子嫫媿罪買臣妻歎愚丈夫
志既得安足論區區勒名沉諸淵惟慮久或渝

擬東城高且長

東城何其高逶迤連雉堞城中多華屋朱樓凡幾疊君
看歌舞地人去空落葉及時不行樂盛衰悲轉睫歸來
丁令鶴夢失莊生蝶

擬蘇趙多佳人

蘇妹寧臺舞趙女郎步閭易美服飾曼睩工盼顧不
豐亦不約宜喜復宜怒古來已稱絕漢武寄餘慕當戶
理瑤琴能譜相如賦

擬驅車上東門

洛陽上東門門外連北邙陰風一何淒柏廷夏亦涼富
貴及貧賤摠歸埋恨塲黃墟即厚夜潛寤浩劫長續息
龍失翰衡輕蘭歇芳虛名付史策真偽已莫詳寥寥讀
史者又誰別臭香水碧率悞人蓬海浩茫茫何如悟達
生隨時愛景光

擬去者日以踈

昨日不可追今日聊相依一日復一日百年有盡期大
椿及朝槿脩短或少差末路就枯焦一例蟲生之及時

稍遷延老大空餘悲

擬生年不滿百

百年人大限如其壽者鮮試問百歲人定云多益善何
為憂千載戚戚眉莫展勸汝展雙眉親串咸在茲良辰
復美景品竹彈清絲去者莫須憶縱憶安能知

擬凜凜歲云莫

元冥司朔令節宴月窮紀木葉落歸根河水凍連底青
女剪碎瓊散作冰花蕊不樂復何為太康戒無已既命

兔園宴亦念東郭履宵長致良佳帳冷梅花紙宿昔同
衾人長眠呼不起是非翩來遲入夢輒歡喜三年夢不
來沉痛嗟何以

擬孟冬寒氣至

平在臨和叔蟋蟀入牀下朔風變嚴律悽聲來四野夜
明散冷光輪小願兔寡感序自怍怍為憶知心者睽阻
幾千里攜潤已三夏朝來誰叩門雙鯉忽在把重緘不
忍開翻恐愁懷惹

擬客從遠方來

日日望遠客居然來我前一日比三秋三秋九十年邂逅適我願不語已如蘭傾蓋勝新知班荆續故歡車笠尚義氣區區安足言

擬明月何皎皎

何來明月光照入紗窗碧盈手餘清輝印心遠塵跡人生境遇殊鮮不為物役歡聚尚多戚而况行邁客惆悵感駒馳躊躇望簷隙

熱

大雨覺過優朱明幸快霽繼以連日暴赫曦勢頗熾多
稼固宜暄耘者苦炙背叶而况城市囂避暑應無計乃
知鮮全美安得咸滿意林園足清涼鬱燄尚猶厲念彼
瘴暵人切切愁不置德信縱炎官政平誰酷吏晚來爽
風奏金行消息至協時誠萬民觸緒敬吾事

江山勝覽歌題張宗蒼倣黃公望長卷

見豹一斑霧變可以識全皮嘗肉一臠鑊中之味知無

遺金山昨春俯汗漫爾乃西湖蒙汜東竟扶桑枝指點
長江源委應於茲我非山人無事者羨彼豪遊萬里攬
勝輒復命筆寫十年之久始成圖五日一石非虛也相
投意氣誰知音吳門高士倪雲林作詩酬倡識歲月早
必妙蹟貽來今今時宗蒼亦老手展圖示之咨爾能臨
否其工可能神不能此語還應出諸此人口經營慘淡
閱月餘我謂神來宗蒼猶請遲斯須粗皴疏點不數筆
現前直蹟水乳如乃知三鬣信有諸忽睹浮玉朱欄扶

何須縷辨夔峽及蕪湖

立秋日作

披風陡覺爽而使少昊司秋信有權且喜民情無怨暑
更因穡事興逢年三星已向玉衡直一葉乍飄金井前
望雨今朝兼望霽

農占立秋日雨而
即晴為豐收之占

故知兩美致難全

七月朔日作

坤維大火流朱明序忽易欲起涼風遲未處殘暑迫茲
日乃孟朔望雨心轉劇更恐致霖霖雨即晴始適譬人

祈予恩兩美期必得即予亦難之於彼曾何益明知而
故蹈造物豈汝役

麥收實倍豐大田苗亦茂縱饒憂於先未覺樂於後邇
日異常燠曰豫早自咎義車歷西陸鬱燭漸宣透清氣
蕩暄蘊浮雲出峰岫所冀盡滌炎與物樂佳候

夜雨

半年雨暘時夏末乃望雨滌暄蠲病疾沛澤利蒼黍枕
上聞殷雷心忤遑寢處祇愁勢不優為時果刻許涼風

未宣暢何以消煩暑怨咨民恒情思艱實慙汝

晚蟬

晚蟬因熱勢偏張誰道枝頭解喚涼世上儘多趨熱者
漫言我亦愛羲皇

微爽

微爽遙山送雨餘畏炎人意較前舒候符歲序嗟如駛

德信農功慤切予

呂氏春秋秋之德雨雨有信斯穀堅

五日占期洵已迫

半年慰望恐成虛近西傍晚無雲作瞪目頻勞忘所如

不謂當秋轉望霖憂懷真與日俱深蝸行側壁盤乾舍
龜坼高原萎綠針雨喜空教傳自昔農艱更識有如今
前宵細灑誠何益佇待盆傾一沃心

新月

西宇分明麗金行初度看標形權示曲韜米本來團離
畢空希雨流波不礙寒木蘭聊遲去聲載屬我興方闌

詠玉環

出璞知何代為環見此珍同心連翠紐暎手疊文鱗圭

辟思君子金蘭結好賓玉工言似是幾誤楚荆人

雨七月七日

信有靈徵為洗車襄雲只慮散風餘稍蠲隆蘊仍依爾
未致優霑益惕予沛勢注眸看欲倦響聲屬耳聽成虛
殷雷辛薄黃昏作入夜甘膏待渥如

即事

畿輔二麥倍常收一律秦晉豫齊州南省亦復雨時若
方期額慶逢登秋較量早晚便如意自幸今年勝往歲

如何夏杪更望霖入秋轉覺炎蒸繼近聞待澤遠淮揚
晚田戽水農夫傷五日之期又逾再真教一刻千金償
瞻雲卜度心增憫調幕多慙德不敏盛滿戒吾亦何辭
饑饉切民其奚忍

雨

七月初九日

雲容舒復卷雨勢疾還徐諸癘全驅彼一心真沃予更
無秦越處那有玉珠如金帝穰堪卜炎官赫已祛優霑
方幸繼警惕敢忘初南望頻縈慮維揚可逮諸

再詠玉韞

蓬矢桑弧識舉男賦詩言射我需諳鈎弦易挽鈎盈六
辨製底須朱極三終不可緩惟令德佩之無數豈虛談
環中內外光明瑩一氣渾融萬里涵

靜安莊酌酒

久踈桂酒奠瓊甌節物空驚駒隙道擬送長行安丙宅
以壽官卜筮需時茲因
工竣擇於十月奉移
那堪來別值辛秋中年哀樂其
多矣一種情懷可耐不慟罷灑然差自信歸居曾未負

從頭

趨庭不見兩年更生汝那堪送汝行

亦擇九月中送皇長子定安親王歸

其園寢便中賜奠

此際還教撫秘器他時惟許望佳城痛來今

日誠何日淚灑緣情不盡情了識人倫是悲種擬從調御懺無生

高梁橋泛舟至昆明湖之作

長河舟進趁晨涼兩岸蟬聲越靄蒼望雨畏燭消半月湖光今日作秋光

早田可卜收無礙晚種惟期過半收失望生愁過望喜
人情那得免隨流

未踰五日畏炎官破曉河風又怯寒不與惟時過去易
無恒者意測來難

賜錢陳羣歸里時陳羣有反穀之疾詩以寬其意

三尸素所滅二豎胡為作予告遂頤和還鄉諺如約

浙江

嘉禾長水塘
俗名還鄉水

陛辭意懇款請詩應允諾憐汝身日羸壯

汝神猶鑠達生有至論庸醫無大藥辟穀方赤松先難

後原樂

泛月

四時秋月佳孤負誠可惜涼雨已驅炎晚田略被澤明
蟾如有約繫我素莫逆容與浮輕舟蕩漾鏡光碧雲容
欲就閒蛩音不待夕代謝詎少假瞥過思何益

題鄒一桂花卉卷

碧桃

此是西池千葉春風前灼灼復蓊蓊如何不結枝頭實

仙種應慳付與人

梨花

檢校韶光到幾分
膩情蜂蝶鎮紛紛
黑甜若到真香所
小院梨花是夢雲

薔薇

閭易衣裳紫間黃
卉中仙號杜蘭香
莫嫌偏有稜稜刺
未許人輕近砌旁

虞美人

血洒郊原化草芳楚歌一曲至今傷重瞳叱咤歸何有
未及盈盈弱質強

紫藤

婉孌偏依松柏枝却緣剛介得揚猗紫絲步障如平展
藉與凌空作幕垂

罌粟

擎來百琲玉盤羅愛是佳名瑞應禾二脯設誠供宿飽
只虞其少不虞多

白榴花

海南卉木有奇珍永樣丰姿玉樣神
不把丹砂枝上煉
學仙恐誤後來人

梔子

色馨自是通身淨風露由來滿意涼
黃蝶不知花厭鬧
尋香時復過橫牆

牽牛

睨彼幽姿籬落旁露蟲相弔倍淒涼
碧天夜瀉銀河水

引出相思蔓許長

剪秋羅

七襄誰道不成章一霎秋風滿院芳
爾許何多費裁剪
天孫為製嫁衣裳

秋海棠

墻陰血淚化柔枝略似春芳縷縷垂
一種幽情依露草
花鈿委地憶當時

芙蓉

淺紅合間荻蘆蒼秋老洲前鮮拒霜最是蕭風涼雨下
十分畫意入瀟湘

菊

姓名合在高士傳品格從標晚節花五柳何嘗信貧約
金臺玉盞醉流霞

藍菊

結隣亦得近東籬瑣碎離披秋晚時
設使羣芳譜名氏無過充隱埒希之

梅

逃禪去後應無畫處士吟來合罷詩詩意畫情真趣在

問誰粉本得成茲

今春偶為古幹墨梅曾命一
桂樨為設色圖故戲及之

御製詩二集卷三十五

欽定四庫全書

御製詩二集卷三十六

古今體七十七首

壬申六

塞上秋蒐奉

皇太后自圓明園啓蹕六韻

玉塞行時獨金旌發曉秋詎緣循往例實用纘

先猷蹕指山莊駐章馳驛路郵宵衣無內外歲事切咨

諏

慈履欣康健民歌協豫遊驛鞭成五字記里又從頭

過清河橋

春夏雨暘時過望豐可致三庚忽愁旱霖雨未霑漬民
瘼無可諉切切增愁愧秋巡值啓蹕心厓仍農事清河
度石橋所見覺稍異蕎豆仍芄苗黍梁多碩穗詢之鄉
三老云尚勝去歲初希雖不滿後憂畧堪慰愛物
天地德益凜盈虛義

聞淮南得雨

封章卜度始開函澤被清江半尺甘咨稽喜霑遲種五
課時猶及伏庚三正因久待忻生慰每為虛譽祇益慙
况我所懷無遠近淮南望罷望江南

時蘇松亦有待澤之處不知曾霑否

過峰山口

遠望宕寬近等閒長城猶在白雲間峰姿樹態休嫌少
却是東來第一山

度嶺風披華黍秋山城古縣號懷柔此行觸目思吾事
詎為居高暢豫遊

雜題

亨屯拯溺未敢閒蒼生四海常思艱未遑老安少懷志
難忘物理民情間三代上治夫何有十年前詩率可刪
射麋麗龜聊快意猶喜五石弓能彎

難易引

大難小易地戴天始難成易坤終乾一難衆易君率臣
外難內易型家人正難偏易守四邊主難賓易酒醴筵
白難黑易絲染然走難飛易鳥鼠山精難粗易微心禪

行難言易九仞泉守難創易鄭公言

村行口號

銅雀喧鳴熟晚禾田功頗勝昨經過
未經更願還勝此
謂我無厭也任他

南天門

北谷晨行衝曉靄是處淙淙鳴石瀨
迴谿複嶺數十盤
蓮宮始見青雲外到來初地空塵心憑虛萬景牕前繪
舉鞭旋復度巖扉真教隔絕仙凡界
天闕虎豹信森嚴

此或當然我所戒

長城

祖龍當日氣驕豪一世希傳萬世牢擬接碧天陵絕巘
遂窮滄海駕洪濤防胡詎是圖其易延寇那思作者勞
可惜蒙恬秦宿將極人輕與賜歐刀

山田

山田關外佳村村期二鬴春夏值時若所幸霑秋雨以
此勝關內衆善早登圃虛望彼其嗟實儼此猶愈內外

皆我民所願逢年普有懷每難遂殷憂繫心所

山田無土著大都齊晉民乃耕復火種巖障成塍鱗聞
之其初來裹糧惟一身心計躬受勞或有致富人賦稅
既以薄蒙古風更醇厚口茲日增藉以資饑貧後此非
所知目前誠可因

雨

塞雨灑蕭秋繁聲入夜稠輕寒來覺驟婪熱避如流蕎
菜皆資潤豆禾未畢收怵怵縈遠念畿內得霑不

涼

一嶂巖牆能爾為，颯然涼氣馬前披。
由來不藉秋官令，直欲輕移造物時。
野水渡人心為怯，曉煙食店目因遲。
生衣兩日更綿絮，境與情遷乍可思。

灤陽別墅

疊樹層椒盡態青，灤江如帶瀉清泠。
湧金何事稱圖畫，浮玉端知在戶庭。
四季風光無盡藏，百城古帙有餘馨。
栖遲欲去還教住，山鳥留人亦可聽。

小金山

縈迴波澹澈踞峙峰吸礮烟散容披榛風來時落果棲
巖構虛軒每到必憇坐

聖人錫嘉名勝彼屋色裏饒占山水幽何事香花安一
晌悟南華分疏了不可

避暑山莊三十六景詩有序

我

皇祖建山莊於塞外錫以三十六景之名蓋一邱一壑

向背稍殊而半窓半軒領畧頓異故有數楹之室
命名輒占數景者非若漢主離宮唐家別館彌山
蔽谷猶云未足也向曾恭和

御製原韻茲以駐蹕清暇復各題五言近體雖不足以
窺測

高深然劉昭禹所云四十賢人者或庶幾云爾

烟波致爽

玉塞山原富烟波此處饒虛明疑漢上綺縠漾雲標每

愛秋蟾印長教暑氣消牙琴湯須數曾入

五絃調

芝逕雲隈

一逕界雙湖芊綿仙草敷探擣皆上藥招引入方壺魚
物潛還躍鹿馴來可呼劇雲如有興記取十洲圖

仇英
有著

色採
芝圖

無暑清涼

太古日偏長朱明暑却藏有詩惟舉白作記合稱唐松

菊開三徑雲山貯一房金蓮紛映砌心境總清涼

五臺清涼

山出金蓮

花故云

延薰山館

洞達軒窓啓炎朝寂納涼松聲風入靜花氣露生香竹
素悅心永珠林味道長披薰今

昔意與物樂時康

水芳巖秀

智仁山水德結念喜雙清鏡朗羣芳照屏開衆秀爭豪

材誰擬議妙詒謝將迎本色義皇代還忘蕩蕩名

萬壑松風

蒼翠鬱氤氲端細逕分四時無改色衆木有超羣盖

影晴仍暗濤聲靜不紛髫年讀書處終是愧尊聞

康熙壬寅

隨侍

皇祖

賜居此處讀書

松鶴清越

胎仙將壽客結友嶠洲中蔥蒨入森秀飛翔樂遠空天
垂四幕碧泉帶百花紅

色養傳家法齋名此日同

是處為當年奉

寧壽宮

豫遊之所茲於山莊內奉

皇太后起居處亦名

松鶴齋遵

先志也

雲山勝地

峻宇昔垂戒山莊今可稱地靈延晝永峯秀蔚雲興結
構因時勝遊歌所事仍年年奉

慈輦愜願祝如陵

四面雲山

軒窓徹四面巖谷俯千重奚數荆闕蹟堪尋仝羨踪林

踈為風拂峰現忽雲封策騎遵崎棧時看白鹿逢

北枕雙峰

雙峰金與黑

西北金山東北黑山

拱揖若來參崔嵬天光接冥濛

雲氣涵鸞音媿阮籍鶴度肖蘇耽返照千林紫吟情落
碧潭

西嶺晨霞

窓戶含西嶺晨霞亦可稱恍如赤城畔高出白雲層
暎日真還幻隨風散復凝今朝準為雨農諺有明徵
農諺晚霞

晴朝

霞雨

鍾峰落照

曾愛文皇句

唐太宗有初晴落景詩

高標物外情照亭浮檻晃燭

浦漾瀾明理境資強立神工謝巧營倚天森玉柱擬待

勒誰名

南山積雪

先峯何所異積素雅宜看朔氣干霄白清威幕地寒塞

梅粘樹樹凍玉咽灘灘歌郢誰家子應來曲裏彈

梨花伴月

盤逕入深秀雲居得畝平
春來花正放壺裏月偏明
香色雙清境希夷一晌情
神仙惟自度詎必藉金莖

曲水荷香

鏡面鋪霞錦芳飈習習輕
花常留待賞

每到山莊雖深秋亦有荷花

香是遠來清細蓋迎秋直
珠囊帶露擎楚人休製服
同此樂衢亨

風泉清聽

出石泉惟冽因風響益清虹垂飲澗勢琴譜號鐘聲江
海他時赴雲霞此處生

當年川上意仰識在民情

濠濮閒想

水木翳然處真堪會此心有懷虛以靜無俗窈而深風
度隨花蝶霜酣餉果禽天都元在此那更數華林

天宇咸暢

洞府玉虛宇林扉守百靈三天無別路五嶽有真形青

鳥憑傳信紫鸞時駐輶瑤函降真誥聞說是黃庭

暖溜暄波

遙源蒼嶠中暖溜早稱功滌蕩蒸雲似靈竒仙藥同醴
泉聞建武溫谷豔新豐利物天然澤無誇闢治宮

泉源石壁

錦流依繡壁霽色正開時喧寂均堪悟縱橫皆合宜遊
松擾麇麇嘒嘒下鳬鷺

聖蹟光巖穴翹瞻切企思

青楓綠嶼

青楓多秀色乍可傲霜朝樓榭惟存意烟霞儘許招司
勲權閣筆王子欲吹簫却望丹邱迴何當過石橋

鶯囀喬木

山深悅鳥性喬木早遷鶯最愛清和節頻聞睨睨聲雙

柑思舊韻一部錫新名

山中一部笙簧
聖祖小序中語也

歌案觀宵

雅嚶嚶倍有情

香遠益清

春光六月天照影濯清漣逸韻風前別生香雨後鮮揚
猗明塞日標倩暗溪煙松島蓮花寺空聞十景傳

金蓮映日

玉井曾標秀金臺別檀奇輝輝爭日色灼灼動風枝銀
氣常蔥蔚晶光自陸離清涼慢相訝

古佛寶都茲

遠近泉聲

鑿石布垂瀑醜流帛裂湖泉堪傲虎躑峰得號香鑪偶

在叅天一閒憑味道腴醉魚時感浪上下濺明珠

雲帆月舫

舟閣傍烟湖浮居有若無波流帆不動漲落棹如孤牖
幔披雲揭樓欄共月扶水原資地載所見未云殊

芳渚臨流

孤亭據懸岬座俯水晶宮曦影錯金碧春流泛紫紅塞
情閒入古川氣冷隨風來者為誰氏維詩味不窮

雲容水態

寄意屬空濶開軒見水雲
波輕含蔚靄烟細結漪紋
飛鳥去何極遙舟望莫分
祇饒風度處依約櫓聲聞

澄泉繞石

一注亦何取端宜石與停
動中原有靜秀處總能靈
出匣寧非玉支機本是星
山花將釀酒可以駐千齡

澄波疊翠

峯翠落湖心悠然意與深
遊魚欣覓樹飛鳥訝迷林
宸藻猶雲日崇情自古今
烟霞蟠水府深夜有龍吟

石磯觀魚

野水時深淺遊魚意更嘉
名奚辨鯉鯪樂宜避鳬鴛
或躍浮波月閒鳴落壁花
坐磯竿不把適可悟南華

鏡水雲岑

水鏡涵虛朗岑雲遠接連
儘看流動意不著象言詮
風影落空翠波光合暝煙
仰參兼俯察

皇祖御題有
懸象俯察仰參之

句易蘊

零題全

雙湖夾鏡

長橋界平渚雙鏡恰連波
蕩槳蒼蒲隱鳴鞭碧浪過
春烟低岸柳露氣襲汀荷
白也詩無敵於斯津逮多

長虹飲練

垂虹天際亘望近到猶遙
象渚源瓊曲鷗波影綺搖
城疑乾闥幻樂是洞庭調
屨步披三秀何殊陟紫霄

甫田叢櫟

膏壤傍雲涯芸芸動植皆
含生適真性妙趣託澄懷
試

馬掄懸鏡玩鸞辨折釵周詩徒頌武未若此間佳

水流雲在

留憇觀雲水澄渟會意悠
遂章經徧和五字更從頭遊
豫無非事經綸有大猷日流日常在

聖意照千秋

聞江南得雨

吳下昨秋稔浙灾近呼庚牽連告糴多米價卒未平黃
梅今歲霑早稻擔石盈邇聞夏杪早晚田苦久晴南望

傷我民何時遇豐亨大吏來奏章秋霖幸盆傾高原縱
無濟下隰仍有成稍可救眉燃安能釋心忤

樹根筆筒

卉木知何種盤根見此餘居然遁劫火可以付中書密
理成文采生機憶始初翰筵佐清供外樸內涵虛

八月朔日作

夜雨釀晨寒午暄柏秋熟山莊駐清蹕遑待玉輪足

將于

此度中秋始進木蘭問政勵憂勤劬農常度卜闕內近優霑僅及

資菜菽夏中希大有此志實欲速孤望得小稔畧可濟
惇獨惇獨難遍濟如傷此焉惡

霧

至入嵐烟忽滿庭騁眸乍失遠山青濛濛衣濕非飄雨
惟覺巖花發野馨

清舒山館對雨

山雲漏日午蒸炎準擬今朝塞雨霑屨步長橋纔瞬息
珠絲先我掠前檐

書館蕭秋坐雨便窓臨碧沼
漠溪烟塞山楚水何分別
祇覺瀟湘意與然

山莊駐蹕尚斯須
漸石無勞歎僕夫
今歲秋霖不愁過
還愁關內飽霑無

簷響泉聲互酌斟
颯涼頓覺襲衣襟
無端失却西峯色
遼待時晴取次尋

登四面雲山亭子

亭子雲山最高處
停鑒未肯頻臨駐
聞之地靈神所都

隱虞為我勞仙馭崇壇案衍實佳哉能辭偶爾一徘徊
屈指六年登六度每登必有風雨來今朝秋宇澄新霽
林扉跋馬鳴璫轡孤亭小坐未俄延前楹倏復烟絲綴
飛空掠樹不踰時長天一碧懸清暉千林葉葉翠難狀
萬峰濯濯青偏奇風為車兮雲為馬山之靈兮翩其下
洞庭張樂信然乎何必曲高和者寡

新月

中秋初度月近塞此迴看恰好生銀漢依然映玉欄入

懷真是潔盈手不妨寒詎肯孤佳景留攀桂樹團

暄

農父有常諺秋長喜倍深雲頻霜避菜日燥暖依林未
可拋紈扇何妨濯峽琴山中足清暇無數協時心

題永恬居

簾垂四壁幽牕入千峰絢檀梨熟自落野菊艷初綻青
密鳥未驚紅殘蝶餘戀誰與幻山色輕雲飛一片便可
寄題興舒箋揆柔翰

千尺雪歌疊舊作韻

凜秋無雪雪乃有宜在玉塞崇山山之後層陰積氷彼
其常夫何近帶山莊映軒牖奔崖飲澗噴瓊花旬旬磕
砉衆響紛交加八音六律此繁會似過摯干縹缺方武
陽襄家君不見繪事後於素又不見土鼓先雲覆我非
子也在川上乃亦因心愜清悟渟渟淙淙淙淙淙淙山
窟廬往復還試看一放勢莫禦其始涓涓滴滴淙淙山
之灣導流曲折階前灑雪色雪聲交上去年種樹初

點綴今來翠韜已盈把北何鴈磧南何吳一家中外咫尺夫取名聊爾寄清賞豈知清賞原在神仙區便教溪側安茗壚綠杯香雪書澆吾秋雲在天水在湖興於雲水了不殊

角韞歌有序

古之繕人掌韞決之制以象骨為之其時不通北塞便無過于象骨者然象骨脆而易紕類不如今之堪達漢角也堪達漢者出黑龍江似鹿而大爾

雅釋獸所謂麋者音義均近馬頌命玉工倣角韞
琢玉為之既已屢命子墨而角韞未免有數典之
歎且用之三十年矣置之羣玉之中氣象穆然足
以鎮之故長歌以通其義

角韞角韞予所服卅年一日心手熟鉤弦省括觀德資
拍揮如意淳風穆象牙彼哉雷驚紋南方之強機心存
未若麋角出北地内外如一剛不斂我愛溫知易玉為
規模考度泐以詩漢時古玉韞亦有製窄且橢匪適宜

著簪由來貴舊物角鐐冠玉非翦拂恰如王謝數家風
本色衣衫勝纓黻

對瀑

漫數香鑪復呂梁
紳垂萬仞闢鴻荒
侈聲嫵柝奔聲鬱
玉色猶溫雪色涼
無間斷惟赴谿
勃有形容亦隱烟
光詩人南國多雕
績仙境伊誰合品
詳

賜蒙古王公等宴

青海何曾阻玉關
清秋來覲忘途艱

蒙古四十九旗以
及喀爾喀青海有

未出痘者多因塞上行團來謁今歲于
山莊度萬壽節故畢集是地俟行禮可無三接酬誠

素况復萬幾當務閒未習朝儀瞻北闕許隨典屬祝南
山嘉賓旨酒同和樂

仁祖懷柔想像間

截漕詩

有序

國家歲轉漕東南天庾賴焉遇偏侵或特恩即其
地截漕糴賑之非需賑未有以截漕為言者比民
間米價日貴雖稔秋因採買輒益昂爰勅截留楚

浙西江漕米各若干以補常平蓋今太倉充羨間
行之亦酌盈劑虛之道耳恐司牧者未喻作詩示
之

截漕濟災區初偶今成例匪災仍截漕自我排衆議持
籌慎所思論亦經遠計獨是秋稔處官糴輒翔貴陳陳
致紅朽孰與資博濟以此足常平市價自平易德流則
何有效頗速郵置湖南報有收江右稱乃積二省聽流
通天下可無事補救殫我心豐亨賴

天賜京庾實本根儲蓄貴有備申命方伯臣惠不可常
試

桂

金秋麗日霽光鮮
恰喜天香映壽筵
應節芳姿標畫格
一時佳興屬吟篇
賡歌東壁西園合
風物南邦北塞連
幽賞詎惟增韻事
更因叢桂憶招賢

鍾峯歌

在天有六星開德
宣符贊鴻運在地
有崑崙嶽然中峙

四維鎮崑崙一支走華區壇曼案衍羣峰都五嶽五鎮
列方隅扼吭拊背據其樞神禹行水跡雖遍天秘地鑰
無繇見小試僅得及底柱至今䟽導傳寓縣靈輿興壤
應有待乃廻

堯顧怡八彩帶河襟巖關仙莊卓然峯立東岡在東岡
峯立初無名象形闡義錫嘉稱宇宙以來便有此惟
聖人通天地情造物妙在鑪錘間奉三要達神明權平
施稱物無容意治崇金鑑千秋傳八柱何當一已足馬

援標名笑銅沃春來簇簇自為繡雪後晶晶幻成玉穹
窿高矗飛雲流亭亭入望偏宜秋一輪冰鏡正圓滿憑
將掛著千山頭

疊中秋帖子詞韻仍命翰苑諸臣和之有序

湖山有奇遇亦待其人風月無盡藏恰當今日若
夫龍堆雁磧南方曩視為畏途而茲御苑仙莊翰
林羣稱云佛國樂樂利利敢忘經始

文王語語言言載奉無疆

壽母峯姿波態都覺秋清寶月慶霄適如人意徵詞選
律勝彼眺蟾望鵠之為錫爵頒饗惟是合樂聯情
之舉蓋經五作仍續四章

倚樹吳剛不耐閒繁柯取次著修刪數枝恰向仙莊落
便覺天香滿塞山

端正輪規朗潔光桂宵無物不含香綠杯銀管休孤負
簷際徐移輟漢佳

恩科萬壽試京師僑儻伊誰玉局詩且共從臣賡綵帖

好看磧魄徹滄池

徘徊真是倚瓊樓風物今宵繼昨秋
法曲梨園渾厭鬧
玉簫水調按歌頭

中秋夕

玉塞廣寒宮人間迥不同
近天惟直北出海便東盈
手光堪掬入懷情自通
輕雲如解事故與作朦朧

御製詩二集卷三十六

欽定四庫全書

集部

御製詩二集卷三十八

詳校官尚書_臣德保

助教_臣常循覆勘

總校官原任中允_臣王燕緒

校對官學正_臣卜維吉

謄錄監生_臣陸潮愈

欽定四庫全書

御製詩二集卷三十七

古今體九十九首

壬申七

山莊啟蹕米蘭行園之作

山莊行慶攬衢歌寶月團圓節並過蒐狩九秋應在即
棲遲廿日覺無何輕風別岫雲封戶細雨遙源水漲波
更有予心欣慰處石田仍獲勝常禾

涼

靈山能轉候嵐氣送晨涼楓染通紅葉露凝騰白霜獵
人欣逐獸農叟慶登場別有宜詩景遙峯續紫黃

風

微風亦覺豪直北氣偏高裂葉千峰露吹林萬竅號雲
頭斂陰翳水面捲波濤蓬草曾無礙飛揚任爾曹

波羅河屯行宮作

秋日散清輝秋空澄碧落我意與之然去來何執著寒
花步今逕陰樹褰昔幕會心足希夷容膝且寬綽是處

有縹緗無妨讀書樂

山邨即景

蘭衢侵曉點繁霜馬上羊裘尚覺涼日出旋烘一谷暖

黃綿襖子遍田莊

築場納稼先

去聲

幽風南北寒暄協紀中多是晉齊流寓

客安居朔塞故鄉同

刀耕火種遍良農不讓楓榆占碧峯誰道石田率荒鹵

年年頗覺有秋逢

連延東崦復西鄰
遮莫桃源此隱淪
三十年前曾過者
却云初祇數家人

意行

意行初不較涼炎
馬上成詩信口占
薄霧卷空開岫障
微風拂澗揭泉簾
霜華怯日融融減
續葉隨程旋旋添
北望木蘭秋獨近
起予興在遠山尖

入崖口

伊遜九轉來遙源

伊遜即蒙古語所謂九也

崖口為東奔流湍重重

鎖鑰羅岌岈壁立萬仞天風寒地利一夫可當關太平
時節誰泥九清秋按轡凌層巒駕言大獮朝可汗控弦
騎士數逮千發蹤拍使遵虞官約束匪嚴亦匪寬要欲
上下同和歡詎惟從禽事遊盤于時獵也有道存
聖人家法敬繼旃

御行營

蒐狩恰宜秋行營廣甸留荅陽方審面計日又從頭萬
帳星辰拱九重規制侔習勞兼示度匪為宴安謀

霧

塞山幻戲何爾奇
白棉彌谷乾闥移履高若低
隱乍現障近成遠
東疑西城郭臺觀舉彷彿
蜃樓海市非人為
或如王母降玉輦
或如木公駐葆旗
張公五里裴三里
鸞鳩何異榆枋枝
日中霧鬱倏歸岫
千巖萬嶺明傑池
旋覺皮衣著體暖
塞山霧後必晴而暖
生風耳後花驄馳
偏伍彌縫有節制
曾無一騎隍中迷
南人行船北人馬
有能不能難強其肩輿
得得來翰苑

將溥汪由數皆南人不習騎以肩輿從故戲及之

縱觀卒愕相嗟咨爾亦何必相嗟咨為吾走筆為新詩

野花

塞甸金令司神權野花秋較春時妍東皇女夷不過問
錯綺緝繡爭嫵嫵高低縛約殊娟姣羣友翺飛弗相擾
傲霜凌雪此其常節比南花猶覺好嵇含疏亦廣蒐羅
龍沙地遠曾未過設使揣稱復侔色春風桃李何爭多
我命中人隨意採掛瓶香氣勝蘭茝陡憶孤山錦逕西
依然興會於斯在獨惜無名名亦得增譜羣芳著子墨

盧胡大笑有是哉得無猶被名相域牡丹芍藥稱者誰
裳裳者華自豈知以彼例此應罷之用全其天恒希夷
宴蒙古諸王公

瑞雲卿擁拂廬穹詐馬筵陳許貢衷典屬威儀五等列
本朝恩數一家同屏藩各守無踰志敦樸羣欣有古風
咨爾嘉賓思乃業自綿帶礪福無窮

雨

靈境蒸雲易為霖亦太奇又逢洗山雨正是罷園時谷

漲羊腸水林湔鶴頂枝
瓊廬開牖坐何必道催詩

瓊廬

懷居何必尚金鋪
息體凝神愜所須
一室四隅常不改
開窓日日看山殊

聞浙省豐收誌慶

兩浙去年災實甚
截漕通賈開倉廩
補偏救一乃漏十
奚如穡事逢秋稔
今春二麥幸倍常
五月更霑梅雨黃
躊躇彫弊豈易復
每懷南顧心徬徨
蘇松夏杪愁旱暵

庫水幾歎人力竭昨歲有收尚可支災後難支憶於越
無何大吏封章馳秋初望雨雨應時高田一律轉葱翠
佇待銍艾如京坻額手稍為吾民慰丁寧休養培元氣
漕糈况足補倉虛

今夏命截留浙漕四十萬石以實常平

採糴漫頻致踴

貴

陝西秋禾被旱歎收詩以言志

聞災蹙額為愁頻教誡丁寧諱奏人豈是翻欣遭水旱
試思誰救轉溝民

地高鑿井苦無由禾歉應知有竄流咨爾長官善撫恤
慢言二麥尚豐收

轉漕龍門跡久淹亢暘偏爾重三秦多方備穀教河內
資濟流通賴好鄰

覽本口號

報豐為喜報災愁愁喜無常似轉流只有愛民此子志
寸田千載惻然留

曉月

猶是中秋月應教日日憐四更東壁上半魄白榆邊鴈
過蘆鋪水廐鳴楓護烟清遊達明發塞景愛霜天

行圍四詠

撒圍

塞山萬壑糾獵士五更行

蒙古管圍諸王公每以五更率獵士先往撒圍

撒陣

常衝黑成行始質明蠶叢度衽席魚麗辨徽旌曾不言
勞苦嘉哉奉上情

待圍

兩旗合帳殿

設布城為看園所奉翼首旗各馳至此為始

皇太后觀覽兩翼首旗各馳至此為始合則衆騎以次徐

進

千騎列雲涯試看止齊勢端稱左右宜彌縫休欲速

磬控尚需時勒馬平岡待斐然立就詩

合園

周陸笑繁重善御信何稱豈有車從獸何殊屠命僧
詭馳我所戒連中衆多能佗藉無須亟留資歲歲仍

罷園

地不傷農事情還聯衆歡陳牲蔽芳甸頒獲逮儒冠

漢大

臣隨園者頌
獲每及之

習武毋忘業暢遊亦戒盤控絃教憩息西

日在槍竿

園中獲白麀詩以紀之有序

昨秋蒙古台吉必力滾達賴以白麀進嘉其應時
獻壽曾為之圖而紀以詩今行獮塞上於巴顏河
落園中復生致此毛色純潔性特馴擾周陸所僅
見也拈吟紀實匪侈祥符

瑞獸貺三靈嘉符應六星性馴豈鋌走質異似來庭睛

彩丹砂煉毛章白玉亭不教施赤羽端合飼蒼苓詞客
希成頌仙人夙駕輶底須宣史館曾未註禽經

於興安作

一嶺界南北寒暄殊節候龍幹衍堂堂萬派此輻輳陽
巖林始丹高低如錯繡陰崖葉全落樾底天光漏榆塞
古王庭雁磧今靈囿續武永思艱守文益惟懋

即事

田車古之制宵雅宣尼采但以施之今原獸孰容待設

復遇山嶺銜極且致殆豈昔儼侯羣不奔復不駭格物有所窮此理殊難解

王良羞詭遇邱陵多弗為守正何必強當恐人莫知宋襄惜二毛傷股其奚辭夏侯論樂毅迂迴難通宜枉道莫從彼正理日月垂無權乃賊義差謬爭毫釐盡信不如無孟子自言之

讀史記隨筆

有序

遷史始自黃帝類皆網羅舊聞其世職卓才則備

見於漢興以來諸紀載所謂千秋良史信無愧焉
壬申秋獨塞上率以寅往哨鹿及脯罷圍虎帳幾
餘輒快讀終卷因掇漢君臣事蹟關於治亂者紀
之他不復及畧分世代隨得即書不為詮次云

業定關中治已周山河帶礪建諸劉小嫵何足傷親誼
櫟釜翻為羹頡侯

指示功人第一宜所嘉更在舉宗隨鄼侯劍履登朝日
可憶鮑生進策時

善罵無妨仍好士一時割愛重鬚眉恢宏大度有如此
豈係留侯計出奇

借箸前籌纔數語漢家基業肇千年趣銷趣刻如兒戲
從善端知若轉圜

販繒屠狗自嬰樊附驥恩流逮子孫撫拾成編端委具
却因他廣備為言

三議堂堂建宋昌大橫吉兆應重光文休景養培元氣
何異周家成與康

五利文成疊受封公孫纔見大人踪
惟應駕海神鞭石一節還教讓祖龍

故衣獨步越丰姿
俛泣低頭恨可知
尹亦自饒真藻鑑
褚先生論更堪思

田實相傾勢利關
灌夫引重為居間
却因杯酒媒深禍
首鼠輾駒盡腆顏

數竒受誡部書催
豈大將軍特忌猜
責簿劓身人盡惜
殺降應悔有由來

鉤弋雲陽遇暴風娥姁肇禍實無窮少孫漫許為賢聖
豈是千秋定論公

一文一質變相生陳粟相因露積羸黷武求仙平準創
炎劉治亂此分明

九月朔日作

玉塞宜秋山金鰲屆季月窪稜丹漸稀寥迴藍益蔚霞
標蕩光幻峯尖時出沒菊節應指日何必黃花發登高
於此佳逸興已先勃

哨鹿十韻

凌曉出帷城羽林簇隊行歷登千嶂迴俯視萬燈明宿

處踪將遠虞人技各呈扈隨留次第

哨鹿之法貴減從無聲故隨從之人

以次而留

翳伏展長聲纔辨林分色俄聞鹿咎鳴最嫌心卞

急要在氣和平強弱微窺勢去來仍體情從禽非浪漫
付物有權衡連獲何須詗偶空亦豈怍豪遊真絕勝一
覽衆嵐清

霜花

塞草著霜花迷離入望賒幻堪參富貴詩更憶薰葭火
迫鹿鳴野寒傳雁落沙結珠憑少女蕭寂轉紛華

塞山雲海歌

我曾澄海樓頭望溟渤髣髴蓬萊方丈銀宮闕又曾吳
山之側觀潮來似神而非者三真幻哉方意天之靈無
並比乃今塞山重見此世間何事不有偶造物安能外
斯理秋旻星斗歷落懸策騎曉陟崇岡巔萬山足底纔
分色須臾兜羅綿現疑湧波浪相連延乍合乍散倚五

岳何奇何怪吸百川章亥盧敖詎極屈豐隆巫女方昂
軒鞠陵朱鳥為弭節陽城神石無須鞭於焉遊詆蕩之
顓氣駕方廣之石船探萬斛鮫人之珠塞十丈玉井之
蓮信壯哉其樂志笑癡矣而求仙詩成將以寄德潛為
詢黃山畢竟何如焉

沈德潛有黃山雲海詩

僧機圖峯

僧機彷彿嵌空云

蒙古語以山之嵌空者為僧機圖故耳

宰律玲瓏信莫

羣設使飛移丈翰地度星掛月號紛紛

園中獲生麀致之避暑山莊即目得句

生麀無數獲園中放入山莊楓栢叢取之外園置中園
豈是深謀苟息同

新月

中秋西去又生西依舊秋光銀漢低待滿輪規爭數日
擬搏鏡影乏長梯山高月小情真到樹直烟橫望欲迷
試想嫦娥經浩劫幾迴循轉可容稽

習字

藏一樹不許斤斧戕一獸不許弓矢傷獵騎謹避左近
旁猶然風雨來無常更不許人稱其名天男貴重誠莫
京周禪寰海所未詳孕脩育羨其術臧乃使成名於南
疆耻與岳鎮相夷行我今作歌昭靈祥崇邱雲裏遙相
望似云如是名何妨

九日

重陽會有百迴遭攬勝崇山創且豪自是開天此度節
恰成隨地可登高設筵詎必萸簪帽陟嶽剛欣楓點袍

斜日射熊歸帳殿便因餘興一揮毫

罷獵出崖口

罷獵出崖口休茲藩部羣蹠膽仍戀戀歸去各欣欣山

向南來暖情留北望殷豐碑讀前作

去歲度崖口得詩
命樹碣崇岡上

緯武要經文

即事

昨日過重九今朝見菊花翻成兩度節未是負芳華

村行

塞外人烟集寒威漸不侵

天地之氣自南而北口外嚴寒之地今以人煙輻輳率較

前為暖云

秋深林尚茂俗厚誼能任獲畢農無事畋餘鹿罷

尋連村見高廩稍足慰吾心

波羅河屯行宮作

塞垣秋獮薄言歸別館繞經廿日違便有迎人三徑菊
更欣送暖一窓暉興餘豪處應還澹思不紛時可入微
試看滿庭張錦樹風來落葉亦霏霏

咏鏡

行幄供清鑑
依人片月空
塞山還越水
些子不留中

山店

山店零星不成村
防虎縛落聊植援
徙薪曲突取室溫
是中聚首長兒孫
蓬頭垢面蔽短禪
縣庖積莢家計論
大都流寓內地民
山田無賦賴安身
安得廣廈吾心存
堯舜猶病復何言

木蘭迴蹕駐避暑山莊之作

瀟灑山莊憩轡宜
塞菟小別未逾時
風前落葉蕭蕭下

霜後飛泉激激垂湘筆每因幾暇點芸帷還趁午暄披
山靈為我重渲染萬嶂丹青態越奇

從容偏愛一窻暉菊有黃花映座翻收拾雲山還澹泊
啟資思慮入精微鹿聲招侶臨高叫雁羽知寒背北飛
打疊行勝詩就帙好因攸吉駕言歸

菊

梅是明春信蓮為盛夏芳二花猶不及餘卉可相方
鹿閒相顧遊蜂怯欲藏女夷設孤注合點塞山蒼

即事

昨日歷歷憶前月漸漸忘一年尚彷彿十年率渺茫積
此十為百三萬六千場飄忽例猶昔幻非何況常了當
去憂戚行樂愛景光樂又不可極職思在陶唐

灤陽別墅

別館九秋清飛蓋一時駐黛色參遠山籟聲漱古樹江
落石岸高林稀朔風遽依然倚軒牖於何識來去颯景
故堪憑流光茲可寤

雜詩

推輪造大輅土鼓生雲門濫觴涓涓流乃是長江源積
水為層冰豈如層冰寒棟宇待風雨沿至雕楹垣創意
實不易增華慎其端

即日

月似軒轅鑑山如玉鏡臺足寄千秋興何須計往來

入古北口

曲折盤塞山長城遙在目昨記古長城傳名自我獨

秋今

木蘭行園悉所謂古
長城者為之作說

地險本邱陵詎事遠春築徒資後
人議那勝前人躅蒐狩返翠華深秋轉暄淑納稼圃積
黃連村樹餘綠未盡熙老幼豈免勞臣僕入關誦古語
惜惜式金玉

皇長子定安親王園寢酌酒

佳城驚見此何來千古傷心酒一杯猶憶前年當此日
相攜教射木蘭迴

秋麥

秋初正望霖虞損禾苗稔度此方怵怵民艱切攬轡山
莊駐清蹕關外欣霑被遙心寄關內優渥亦逮未封章
傳喜音疑信豈能置納稼茲已畢稊穗頗餘積原田更
含潤麥隴青針刺祈年惟予責憂深藉生慰慰已復懷
希所希三白瑞

木蘭迴蹕駐圓明園之作

塞菟旋蹕泣皇州仙苑澄辰霽景浮恰似看山移畫幘
忽因樂水漾棠舟楓留紅葉宜題句菊艷黃花欲挽秋

兩月景光不多子一牕明影故如流

泛舟昆明湖遂至玉泉

霜落滄波徹底清
延緣一棹泛昆明
飽看朔塞山開盡
靜鑑秋水濯纓

烟波澹沲玉河連
欲試山房第一泉
依舊菰蒲沙渚畔
只添些子是蒼然

位置溪村率就成
披來卷軸百千橫
本緣寓重農桑意
引勝還娛攬結情

御門日作

興夙列卿齊唱曉雞人報時巡返旌轡召對臨廊廟勅
幾固無方諮政貴有要察察戒小智淵淵厯朗照唐虞
夙所希成康猶未造設逢汲長孺豈免云云誚

賜梁詩正終養還南

遺榮真合道未老暫抽簪甚悉忠懃意寧如孝治心歡
承備鐘鼎跡異樂泉林翻祝歸朝晚卿家慶倍深

宋瓷膽瓶

芝為華彩玉為肌
火氣全無古氣披
恰似白描吳道子
觀音妙相手中持

浙省有收米價平減詩以志慰

兩浙昨逢災米價
頓踴貴賑恤縱多
方補救僅稍濟夏
收今年佳額手幸

天賜秋初聞望霖
切切愁不置旋即
報霑足其蘇方快
意漕粟仍截留採
糴無所事以此爭
流通市售轉平易
民獲豆釜資商收
奇贏利乃知

大造力好生誠普惠追思去歲歉愚民法輕試叫詎豈
樂為亦為養殮計姑息慮易逞教化慙未逮何如慶逢
年民生自暢遂

孟冬時饗

太廟

四孟臨陽月六宗欽奉仁

祖功千禩顯

德水一源親聲款思何極繼承志益諄黼屏儼

來假告徹重逡巡

御殿臚唱有作

秋榜原春榜恩科乃特科

慈寧欣壽永師濟翼材多大對誰忠告旁求此廣羅
午門開詠蕩日麗小春和

碧琳館三首

疊石為假山植檜稱溫樹咫尺蘭沚間縹緲蓬壺趣
雕繪詎足尚澹泊素所慕可以貯琴書遐心期古遇戶外

響輕風琅玕奏韶護

佳景足一窻新名恰當可
案事建章宮門戶千萬影漏
報出花鐘篆梟沈檀火後樂
惟同民先憂益厘我永言
惇獨哀豈帝富人哿

殷懷周海寓深居敢宴盤寸
陰信不假萬幾焉有閒輕
裘念鵲結玉食軫糲餐聖狂
別罔克朝夕凜惕乾肯堂
勵方來保此磐石安

賦得黃花晚節香

得修字
六韻

冬孟暖如秋黃花愛獨留更因知晚節可以悟潛修處
谷踪常隱尋籬興最幽底須爭富貴也自足風流羣卉
應難侶遐心孰與儔魏公亭尚在聞說古平丘

題張宗蒼山水幅

奇峯拔地疊翠稜嵌空露寺宜居僧側臨平遠望無際
潏然白雲冠上層不拘繩墨妙獨出斯人始能他豈能

初雪

十月
八日

維霰先飄月應陽瀟瀟旋幕遠林蒼落階無跡偏添潤

入畫有情不礙涼柳葉著如重平聲吐絮菊花傲似重去聲
含霜謾因少許生餘望自是農占兆吉祥

偶仿倪瓚葉湖別墅圖并題以句

去年問俗江之南湖山妙趣供清探倪迂葉湖試親印
題句憶在青春三傳神信得水鄉樂坐對每令澄襟恬
初冬夜永喜餘暇瓷盆低亞黃花籤拚擋筆研鋪金粟
刻楮何必求精纖背臨面證出偶作吳門山下拖眉尖
不似之似似亦可五合得一如書無詎惟文房寄陶詠

要因澤國懷農蠶

溫惠皇貴太妃七十壽辰詩以祝慶

祥聲宮闈啟壽筵稱觴喜值小陽天

溫如冬日德彌厚

惠似春風福自綿
遐算應開千袞永
賢聲早著卅年前
瑤階祝慶心餘慕

皇祖恩深海納川

沈德潛纂西湖志成呈覽因題以句

驛遞緗編翰墨新披尋即景憶春巡詩人林下多清興
還與湖山一寫真

表裏江湖秀麗區由來名勝擅三吳誰宜作志傳明聖
老沈今時白與蘇

南巡豈為賞泉林佳處無端亦寄吟慙愧詞人誇藻思
勤民應識大觀心

恭謁

祖陵并視

孝賢皇后安奉地宮啟蹕過通州即事言懷

考章臨

后葬

康熙年間
安奉地宮我

孝誠

孝昭

皇祖皆親臨視謹遵成例兼寫

哀思啟蹕謁

先陵孫楚哀經罷葛生歸自應吉宮附

昌瑞

康熙二年
山尊封為昌瑞山

孝陵

介祉永雲初潞水維舟昔

戊辰

三月東巡迴至德州登舟值
皇后之喪抵通州昇奉還京

追思情可勝

烟郊行宮夜坐

別館延緣駐六飛夜寒深坐漏聲稀讀書舊惜心浮過
樞帖今知貌似非憲紙明含宮蠟換簾攲煖映地鑪圍
羽林却厯隨清蹕布帳宵禁朔吹威

郊行

薊野今年經兩度蒼山詔我無來去春郊十雨兼五風
早計豐秋多黍稌夏末望霖恐致災中夜時深雲漢慮
無何得雨惜略遲切厯閭閻鮮饒裕茲來歷歷閱村郊
高廩如京原屢遇粒餘仍復孳雞豚衣厚知先畢租賦

憑輿額慶為吾民更希三百麥根護

重過獨樂寺

在薊州向每取道城外
茲偶經城內故重過之

山郡寒烟裏祇園粉堞邊禪房有花木向日記留連
頽廢嗟如是施檀亦偶然是寺為遼統和時所修
燕落已甚因命重葺邑民似
相識瞥眼十餘年

恭謁

祖陵得句

致奠先欽謁追思水木殷敢忘

仁祖顧期紹孝孫聞

神宇千靈護龍支萬派分今年瞻兩度戚後慕逾勤

十月二十七日永安

孝賢皇后於萬年吉地宮以慧賢哲憫二皇貴妃附
皆少時相從者既感逝存更參夢幻命筆成什
以誌一時

鳳翥龍輔何事爾貫魚故劍適相從可知此別非常別
謾道無逢會有逢蘆殿驚心陳白日最塗舉目慘寒冬

百年等是行雲寄廿載憑叅流水踪

駐靜寄山莊題句

歲事別吉宮紆蹕駐仙境尋幽藉散懷即目聊探景今
年來兩度前度夢幻等可以悟空空何必猶耿耿冬山
露本色雪瀑垂峭冷謾聞松濤萬慮一以屏屬詠亦
已多茲遊欲靜領

冬至月八日奉

皇太后進宮是日值雪景攬憑輿祥占卜麥屬目得句

點筆誌時

冬溫

鳳輦返璇宮六出徐霏蹕路中烟遠郊垌纔委積潤霑
壠園旋消融遙峯乍喜微皴白曉日何妨暫隱紅來復
覘時欣肇慶更希卜稔萬方同

南郊禮成誌事

鐘動齊宮曙月光

郊壇翹瞻肇嘉祥

明裡顯若欽昭事盥薦彬然考憲章

帝眷顧思基宥命

天心復喜迓初陽敬勤兩字遵家法嗣服希綿萬葉長

小除夕坤寧宮作

喜氣鬖宮寮迎除先去聲頌椒從來稱五祀不覺到今宵

爆引雲車上

天臨絳節朝誠祈詎私禱六幕願均調

除夕

吉祥雲裏吉祥聲除夕昇平樂歲亨詩稿又將成一卷
人情誰不惜三更依然日月分新舊相與歡娛作送迎
勤政愛民心不息底因流嬪識元貞

御製詩二集卷三十七